

UMP jalin kerjasama dengan KBS untuk manfaat belia



Putrajaya, 13 November- Universiti Malaysia Pahang (UMP) menandatangani memorandum persefahaman (MoU) dengan Kementerian Belia dan Sukan Malaysia (KBS) dalam penawaran program akademik untuk dimanfaatkan belia negara ini dalam Majlis Menandatangani MoU antara KBS dengan Industri dan universiti serta Majlis Pelancaran Kick-Off Kafe Austisme di KBS Putrajaya.

Dalam majlis ini Ketua Setiausaha Kementerian Belia dan Sukan Malaysia (KBS), Dato' Lokman Hakim Ali dan Ketua Pengarah Bahagian Pembangunan Kemahiran Belia KBS, Dr Hajah Wasitah Hj Mohd Yusof mewakili KBS manakala UMP diwakili Naib Canselor UMP, Prof Dato Ts. Dr Daing Nasir Ibrahim dan Timbalan Naib Canselor (Akademik dan Antarabangsa), Prof Dato Ts. Dr. Rosli Mohd Yunos dengan disaksikan Menteri Belia dan Sukan Malaysia, Brig Jen Khairy Jamaluddin.

Dengan termetrainya kerjasama ini UMP bakal menyediakan laluan bagi lepasan diploma atau setaraf ILKBS ke program-program ijazah sarjana muda UMP dalam bidang Kejuruteraan, Teknologi Kejuruteraan, Sains Komputer, Sains Gunaan dan Pengurusan Teknologi.

Menurut Prof Dato Dr Daing Nasir, UMP juga bakal menyediakan laluan bagi peningkatan kemahiran dan akademik bidang Kejuruteraan Elektrikal (Elektronik), Kejuruteraan Kimia dan Kejuruteraan Pembuatan, Sains Komputer (Sistem Komputer & Rangkaian) dan Keselamatan & Kesihatan Pekerjaan bagi tenaga pengajar ILKBS ke program-program ijazah sarjana muda UMP secara mod separuh masa.



Malah menerusi kerjasama ini juga UMP dan pihak MRL dan CCCC akan membuka peluang kepada pelajar lepasan ILKBS bagi menyertai PLKI-ECRL selain menjalankan program berbentuk Pembelajaran Sepanjang Hayat secara bersama melalui UMP Advanced Education dalam mewujudkan satellite campus sebagai way forward pihak Kerajaan yang melibatkan penyertaan pihak-pihak industri dan alumni-alumni ILKBS.

"Pemetaian ini juga bakal memanfaatkan tenaga pakar dan khidmat nasihat yang terdapat di UMP dan ILKBS yang membawa kepada kepentingan bersama dan penganjuran secara bersama dari segi program dan perkongsian sumber lokaliti, tempat latihan, peralatan dan tenaga pengajar yang ada di ILKBS dan UMP," katanya. Dalam pada itu sekurang-kurangnya lima puluh pelajar yang memenuhi kelayakan dan kriteria laluan peningkatan kemahiran dan akademik yang ditetapkan oleh UMP untuk ditemuduga sebagai peserta program.

Sementara itu dalam ucapan perasmian, Brig Jen. Khairy berkata, kerjasama bakal meningkatkan kebolehpasaran dan meningkatkan tenaga kerja mahir dalam pembangunan negara. Beliau turut menghargai kerjasama pihak industri melibatkan Panasonic Industrial Device Malaysia Sdn. Bhd, Mydin Mohamed Holdings, Padiberas Nasional Sdn. Bhd (Bernas) dan Perbadanan Stadium Malaysia. Lain-lain Universiti Malaysia Kelantan (UMK) dan Kian Joo Group dalam program On Job Training, Program Latihan Sangkutan Industri, Program Skim Latihan Dual Nasional dan Program BOOTCAMPs.

Dalam masa yang sama Brig Jen Khairy turut melancarkan kafe dalam memberi pendedahan kepada belia autism berkenaan pengurusan kafe sebenar melalui konsep Authentic Learning selain memasarkan produk ILKBS.

Disediakan Bahagian Komunikasi Korporat PNC